

佛

光緒十有五年歲在己丑
元旦開卷大吉

欽定春秋左傳讀本卷七

僖二十七年
盡三十三年

僖公



經二十有七年春杞子來朝 夏六月庚寅

齊侯昭卒 秋八月乙未葬齊孝公 無傳 乙

巳公子遂帥師入杞 冬楚人陳侯蔡侯鄭

伯許男圍宋 十有二月甲戌公會諸侯盟

于宋 無傳圍宋而盟約久圍也圍宋則宋公

國外不可別言地也公初不與圍以受楚惠

且畏其威故往會沒楚子而書會諸侯諱公

惡也是時諸侯從楚者幾半天下伐齊圍宋
勢蓋岌岌焉微城濮之戰天下尚可問乎春

秋是以不沒桓文之功也

傳二十七年春杞桓公來朝用夷禮故曰子

公卑杞杞不共同也

夏齊孝公卒有齊怨不廢喪紀禮也

孝公再伐魯魯不廢弔贈

秋入杞責無禮也

楚子將圍宋使子文治兵於睽苦圭切終朝而

畢不戮一人子玉復治兵於蔿于委切終日而

畢鞭七人貫三人耳國老皆賀子文子文飲

去聲之酒蔿于委切賈尙幼後至不賀子文問之

對曰不知所賀子之傳政於子玉曰以靖國

也靖諸內而敗諸外所獲幾上聲何子玉之敗

子之舉也舉以敗國將何賀焉子玉剛而無

禮不可以治民過三百乘去聲其不能以入矣

苟入而賀何後之有

冬楚子及諸侯圍宋宋公孫固如晉告急先

軫之忍切曰報施去聲救患取威定霸於是乎在

矣狐偃曰楚始得曹而新昏於衛若伐曹衛

楚必救之則齊宋免矣於是乎蒐于被廬作

三軍謀元帥趙衰曰郤穀可臣亟去聲聞其言

矣說同禮樂而敦詩書詩書義之府也禮樂

德之則也德義利之本也夏書曰賦納以言

明試以功車服以庸君其試之乃使郤穀將

去聲中軍郤溱佐之使狐偃將上軍讓於狐

毛而佐之命趙衰為卿讓於欒枝先軫使欒

枝將下軍先軫佐之荀林父音甫御戎魏犢為

右晉侯始入而教其民二年欲用之子犯曰

民未知義未安其居於是乎出定襄王入務

利民民懷生矣將用之子犯曰民未知信未

宣其用於是乎伐原以示之信民易資者不

求豐焉明徵其辭公曰可矣乎子犯曰民未

知禮未生其共同於是乎大蒐以示之禮作

執秩以正其官民聽不惑而後用之出穀成

釋宋圍一戰而霸文之教也

睽為皆楚邑貫三人耳軍刑也一曰耳助

句也子文略其事以委子玉子玉能承之

故眾以為堪其職皆賀子文為賈伯贏也

帥謂中軍將引書言古人賦納以言觀其志明試以功考其事車服以庸報其勞狐毛狐偃兄也先軫原軫也欒枝欒賁孫貞子也荀林父中行桓子傳言晉將吏俱賢易資不求豐者不詐以求多大蒐示禮謂互讓之禮執秩者主爵秩之官文之教也者明年傳君子謂晉于是役也能以德攻是先教民而後用故曰文之教

經二十有八年春晉侯侵曹晉侯伐衛公

子買戍衛不卒戍刺之楚人救衛三月

丙午晉侯入曹執曹伯畀宋人夏四月己

巳晉侯齊師宋師秦師及楚人戰于城濮楚

師敗績楚殺其大夫得臣衛侯出奔楚

五月癸丑公會晉侯齊侯宋公蔡侯鄭伯

衛子莒子盟于踐土陳侯如會無傳陳服

盟故書如會不公朝于王所無傳諸侯朝

再盟不瀆也岳曷為言王所非其所也來踐土

狩則於方岳曷為言王所非其所也來踐土

而勞晉也不書勞晉全天王之尊也公朝則

諸侯皆朝可知第晉不能帥諸侯以朝京師

仇也諸侯因晉召盟而始朝怠也故削之而

止以公朝見意焉胡安國曰春秋不以就

朝為非而以非其所為貶正其本之意也

六月衛侯鄭自楚復歸于衛衛元咺

奔晉陳侯款卒秋杞伯姬來無傳為

也兩國之好婦公子遂如齊無傳伯姬來

人通之非禮也

出

無傳為

怨釋

晚

無傳為

怨釋

切

無傳為

怨釋

况

無傳為

怨釋

晚

無傳為

怨釋

切

無傳為

怨釋

晚

無傳為

怨釋

切

無傳為

怨釋

晚

無傳為

怨釋

切

無傳為

怨釋

晚

無傳為

怨釋

切

無傳為

怨釋

遂如齊取穀之憾消伯權立而諸侯不敢私用兵也

冬公會晉侯齊

侯宋公蔡侯鄭伯陳子莒子邾子秦人于溫

天王狩于河陽壬申公朝于王所 晉人

執衛侯歸之于京師衛元咺自晉復歸于衛

諸侯遂圍許曹伯襄復歸于曹遂會諸侯

圍許

傳二十八年春晉侯將伐曹假道于衛衛人

弗許還自南河濟侵曹伐衛正月戊申取五

鹿二月晉郤穀卒原軫將中軍胥臣佐下軍

上德也晉侯齊侯盟于斂音廉又孟音衛侯

請盟晉人弗許衛侯欲與楚國人不欲故出

其君以說同悅于晉衛侯出居于襄牛

先軫以下軍佐超將中軍故曰上德斂孟今開州東南襄牛今睢州地

公子買戍衛楚人救衛不克公懼於晉殺子

叢以說同悅焉謂楚人曰不卒戍也

買字子叢不卒戍謂告楚人言子叢不終戍事而歸其實緣懼晉而殺之也經書刺者周官司刺掌三刺之法一刺曰訊羣臣再刺曰訊羣吏三刺曰訊萬民刺殺也訊而有罪則殺之內諱殺故書刺若曰問之臣吏萬民皆言合殺乃始殺之

晉侯圍曹門焉。多死。曹人尸諸城上。晉侯患之。聽輿人之謀曰：稱舍於墓，師遷焉。曹人兇凶勇懼，為其所得者棺而出之。因其兇也而切攻之。三月丙午，入曹。數上聲之，以其不用僖負羈而乘軒者三百人也。且曰：獻狀，令無入僖負羈之宮，而免其族。報施去聲也。魏犇顛頡，怒曰：勞之不圖，報於何有？蔡僖負羈氏。魏犇傷於胷，公欲殺之，而愛其材，使問且視之。病將殺之。魏犇束胷，見使者曰：以君之靈，不有寧

百即阡陌之陌，古所
陌字皆作阡，以
者，俗字也。三百謂越三
陌之也。蓋古者起距以
陌為度。

也。距躍三百，音曲踊三百，乃舍之。殺顛頡，以徇于師。立舟之僑，以為我右。宋人使門尹般如晉師告急。公曰：宋人告急，舍之則絕，告楚不許，我欲戰矣。齊秦未可，若之何？先軫曰：使宋舍我，而賂齊秦，藉之告楚，我執曹君而分曹衛之田，以賜宋人。楚愛曹衛，必不許也。喜賂怒頑，能無戰乎？公說。同悅執曹伯，分曹衛之田，以畀宋人。楚子入居于申，使申叔去穀，使子玉去宋。曰：無從晉師。晉侯在外十九年矣。

而果得晉國險阻艱難備嘗之矣民之情僞盡知之矣天假之年而除其害天之所置其可廢乎軍志曰允當去聲則歸又曰知難而退又曰有德不可敵此三志者晉之謂矣子玉使伯芻音芬請戰曰非敢必有功也願以閔去聲執讒慝吐得切之口王怒少與之師唯西廣音曠東宮與若敖之六卒實從之子玉使宛音窳春告於晉師曰請復衛侯而封曹臣亦釋宋之圍子犯曰子玉無禮哉君取一臣取二

不可失矣先軫曰子與之定人之謂禮楚一言而定三國我一言而亾之我則無禮何以戰乎不許楚言是奔宋也救而奔之謂諸侯何楚有三施去聲我有三怨怨讎已多將何以戰不如私許復曹衛以攜之執宛春以怒楚既戰而後圖之公說同悅乃拘宛春於衛且私許復曹衛曹衛告絕於楚子玉怒從晉師晉師退軍吏曰以君辟音避臣辱也且楚師老矣何故退子犯曰師直為壯曲為老豈在久乎

微楚之惠不及此退三舍辟之所以報也背
 惠食言以亢其讎我曲楚直其眾素飽不可
 謂老我退而楚還我將何求若其不還君退
 臣犯曲在彼矣退三舍楚眾欲止子玉不可
 夏四月戊辰晉侯宋公齊國歸父音甫崔夭音于
 秦小子憖音魚次于城濮楚師背鄆音攜而
 舍晉侯患之聽輿人之誦曰原田每每音煤又梅
對切舍其舊而新是謀公疑焉子犯曰戰也戰
 而捷必得諸侯若其不捷表裏山河必無害

也公曰若楚惠何欒貞子曰漢陽諸姬楚實
 盡之思小惠而忘大恥不如戰也晉侯夢與
 楚子搏音博楚子伏己而盥音古其腦是以懼子
 犯曰吉我得天楚伏其罪吾且柔之矣子玉
 使鬬勃請戰曰請與君之士戲君馮音憑軾而
 觀之得臣與音豫寓曰焉晉侯使欒枝對曰寡
 君聞命矣楚君之惠未之敢忘是以在此為
 去聲大夫退其敢當君乎既不獲命矣敢煩大
 夫謂二三子戒爾車乘音去敬爾君事詰朝將

見晉車七百乘，鞶

音顯同鞶

鞞

音鞞

于杖切

鞞

音鞞

侯登有莘之虛

邱魚切

以觀師曰：少長

上聲

有禮

其可用也。遂伐其木以益其兵。己巳，晉師陳

于莘北。胥臣以下軍之佐當陳。蔡子玉以

若敖之六卒將中軍，曰：今日必無晉矣。子西

將左，子上將右。胥臣蒙馬以虎皮，先犯陳。蔡

陳蔡奔，楚右師潰。狐毛設二旆

音沛

而退之。欒

枝使輿曳柴而偽遁，楚師馳之。原軫卻縳以

中軍公族橫擊之。狐毛狐偃以上軍夾攻子

西，楚左師潰。楚師敗績，子玉收其卒而止，故

不敗。晉師三日館穀，及癸酉而還。甲午，至于

衡雍

去聲

作王宮于踐土。鄉

同嚮

役之。三月，鄭伯

如楚，致其師，為

去聲

楚師既敗而懼，使子人九

行成于晉。晉欒枝入盟。鄭伯五月丙午，晉侯

及鄭伯盟于衡雍。丁未，獻楚俘于王。駟介百

乘，徒兵千。鄭伯傅王，用平禮也。己酉，王享醴

命晉侯。宥，王命尹氏及王子虎、內史叔興父

策命晉侯為侯伯，賜之大輅之服。戎輅之

服彤弓一彤矢百旅音盧弓矢千秬音巨鬯音暢一

卣音酉又音由虎賁音奔三百人曰王謂叔父敬服

王命以綏四國糾音九逃音剔王慝晉侯三辭從

命曰重耳敢再拜稽首奉揚天子之不顯休

命受策以出出入三覲

與人眾也晉軍諮謀于眾稱舍于墓示欲發冢墓故曹人兇懼因克之魏犢顛頡以己勞未酬而先報僖負羈不平故燒之時二人未得將佐也距躍曲踊各三百百勸也勸勉也距躍言距地向前跳而越物曲踊以曲為名則謂向上跳而折復下三百謂以病傷之人每跳皆勉力為之乃舍犢不殺而黜其官以與舟之僑殺顛頡以徇

焉時楚圍宋急晉為之請而不聽晉欲戰又恐齊秦不從己先軫以楚愛曹衛盍分其田以賜宋激楚怒使宋自賂齊秦藉以請楚楚必不許則齊秦喜賂而怒楚必從晉與楚決戰晉侯用其言楚子知之故退師使去齊穀成解宋圍不與晉爭子玉自使伯勞請戰伯勞越椒也閔執猶塞也言願一戰以塞謗人之口楚軍有兩廣廣車橫陳之車也楚子怒僅以西廣及大子宮甲竝子玉宗人之兵六百人以與之子玉遂請晉復曹衛而已亦釋宋圍先軫以前有陰謀因更私許曹衛使絕子玉而執子玉使人子玉遂決志與晉戰晉乃退三舍以實文公謝成王之言遂次城濮今濮州南七十里也楚師背鄒而舍鄒邱陵險阻也晉侯患其據險聽輿人所誦則言田草美盛舍舊謀新言可以立新功公則疑其背舊惠也子犯欒枝皆勸擊楚晉侯夢與

同治八年謹遵 三傳言卷七 僖公

王庭踐土宮之庭也。以德攻。謂以文德教民而後用之。

初楚子玉自為瓊弁玉纓未之服也。先如字又去

戰。夢河神謂己曰：「界余，余賜女。」同孟諸之

麋弗致也。大心與子西使榮黃諫弗聽。榮

季曰：「死而利國，猶或為之。況瓊玉乎？」是糞土

也。而可以濟師，將何愛焉？弗聽。出告二子曰：

「非神敗令尹，令尹其不勤民，實自敗也。」既敗，

王使謂之曰：「大夫若入，其若申息之老何？」子

西孫伯曰：「得臣將死，二臣止之曰：『君其將以

為戮及連穀而死。晉侯聞之而後喜可知也。

曰：「莫余毒也已。」為呂臣實為令尹奉已而已。

不在民矣。

弁以鹿子皮為之。瓊赤玉也。一日玉之美者。次之以飾弁。纓結弁。璪也。以玉綴之。河神欲得弁。纓以宋孟諸之。湄報子玉。子玉不信神說。其子大心與其族子西。因榮黃以諫。榮黃榮季也。子玉不從。榮季言令尹不思利師。即是不勤民。申息二邑子弟多以此役死。王故以是責令尹。孫伯即大心也。二人言使就君戮。覲有後命。至方城外。連穀地。不聞赦。乃死。據文十年傳。王有使來止之。不及也。子西亦自殺。縊而懸絕。而王命適至。晉侯知子玉悍而能官。為呂臣庸臣。故喜楚用呂臣。莫能害晉。

或訴元咺於衛侯曰立叔武矣其子角從去聲
 公公使殺之咺不廢命奉夷叔以入守去聲六
 月晉人復衛侯甯武子與衛人盟于宛音濮
 曰天禍衛國君臣不協以及此憂也今天誘
 其衷使皆降心以相從也不有居者誰守社
 稷不有行者誰扞牧圉不協之故用昭乞盟
 于爾大神以誘天衷自今日以往既盟之後
 行者無保其力居者無懼其罪有渝此盟以
 相及也明神先君是糾是殛國人聞此盟也

而後不貳衛侯先去聲期入甯子先長牂音臧守
 門以為使去聲也與之乘而入公子猷音專犬華
 仲前驅叔武將沐聞君至喜捉髮走出前驅
 射而殺之公知其無罪也枕去聲之股而哭之
 猷犬走出公使殺之元咺出奔晉

衛成公猜忌以叔武受盟晉許歸國夷叔
 叔武謚也宛濮今開州地甯武子甯俞也
 君臣不協言成公初欲與楚致失臣民也
 有渝此盟以相及者謂從臣與守國
 之臣以惡相及則大神糾殛之公欲先期
 不信叔武也甯俞先成公又疾驅掩過之
 遂殺叔武

城濮之戰晉中軍風于澤。大旆之左旃。

音

祁瞞

莫干切

奸

音

命司馬殺之。以徇于諸侯。使

茅茷

扶廢切

代之師還。壬午濟河。舟之僑先歸。

士會攝右。秋七月丙申振旅。愷

同凱

以入于晉。

獻俘授馘。飲至大賞。徵會討貳。殺舟之僑。以

徇于國民。於是大服。君子謂文公其能刑矣。

三罪而民服。詩云。惠此中國。以綏四方。不失

賞刑之謂也。

祁瞞掌馬牛旃旆之事。馬牛風誘。匹失。大旆之左旃亦失之。失職即為奸軍命也。爾

雅。緇。廣。充。幅。長。尋。曰。旃。繼。旃。曰。旆。此。名。大。旆。有。異。常。制。又。云。因。章。曰。旆。孫。炎。謂。因。緇。色。以。為。旗。章。不。畫。之。此。云。大。旆。之。左。旃。軍。中。各。有。徽。識。不。依。常。也。舟。之。僑。代。魏。犢。為。右。棄。職。先。歸。又。以。士。會。攝。之。振。旅。入。國。奏。愷。樂。愷。歌。以。示。喜。獻。俘。授。馘。飲。至。以。告。功。大。賞。以。勞。將。士。徵。會。討。貳。以。屬。諸。侯。殺。顛。頡。祁。瞞。舟。之。僑。以。明。軍。罰。君。子。引。詩。美。晉。文。公。言。不。失。賞。刑。也。

冬會于溫。討不服也。衛侯與元咺訟甯武子

為輔。鍼

音

莊子為坐。士榮為大士。衛侯不勝

殺士榮。別鍼莊子。謂甯俞忠而免之。執衛侯

歸之于京師。寘諸深室。甯子職納橐籥

音

焉。

元咺歸于衛立公子瑕

討不服討衛許也訟殺叔武事大士治獄官為坐代衛侯與元咺訟為輔左證也衛侯不勝乃殺士榮別鉞莊子獨免甯俞晉人執衛侯歸之于周別為深室囚寘之而甯子主納橐籥之事橐衣囊籥糜也公子瑕衛文公子適也

是會也晉侯召王以諸侯見去聲且使王狩于

尼日以臣召君不可以訓故書曰天王狩于

河陽言非其地也且明德也壬申公朝于王

所

河陽即溫也明德謂明晉之功德而隱其不可為訓之辭

丁丑諸侯圍許晉侯有疾曹伯之豎侯奴侯

切貨筮史使曰以曹為解齊桓公為會而封

異姓今君為會而滅同姓曹叔振鐸文之昭

也先君唐叔武之穆也且合諸侯而滅兄弟

非禮也與衛偕命而不與偕復非信也同罪

異罰非刑也禮以行義信以守禮刑以正邪

舍此三者君將若之何公說同悅復曹伯遂會

諸侯于許

豎掌通內外者史晉史行貨筮史言病以欲滅曹故復曹則病愈也同罪異罰謂衛

已先復

晉侯作三行音杭以禦狄荀林父將中行屠擊

將右行先蔑將左行

晉作三軍今增置三行以避天子六軍之名三行無佐或大夫帥

經二十有九年春介葛盧來公至自圍許

無傳圍許逾年不能服以圍許致者溫之本謀紀實也

夏六月會王

人晉人宋人齊人陳人蔡人秦人盟于翟泉

秋大雨去聲雹冬介葛盧來

傳二十九年春介葛盧來朝舍于昌衍之上

公在會饋之芻米禮也

介東夷國無爵君名葛盧其地在今膠州西南昌衍今曲阜東南即昌平也經不言朝者未見公饋以芻與米得待賓之禮

夏公會王子虎晉狐偃宋公孫固齊國歸父

音甫陳轅濤塗秦小子憇魚覲切盟于翟泉尋踐

土之盟且謀伐鄭也卿不書罪之也在禮卿

不會公侯會伯子男可也

翟泉地名在今洛陽東北經有蔡人傳文闕失伐鄭者此會盟鄭不至也王子虎下盟列國即瀆大典諸侯大夫上敵公侯亦虧禮教故貶諸大夫而諱公不書也傳言

同治八年謹遵

左傳句解卷七 僖公

七

卿可會伯子男者周時大國之卿當小國之君也

秋大雨去聲雹為災也

冬介葛盧來以未見公故復來朝禮之加燕

好去聲介葛盧聞牛鳴曰是生三犧皆用之矣

其音云問之而信

復來朝經不言朝者不能成朝禮燕謂燕享好謂好之以貨周官夷隸掌與鳥言貉隸掌與獸言鄭司農云夷狄之人或曉鳥獸之言介是東夷容是其時習俗能通異類之音

經三十年春王正月夏狄侵齊秋衛殺

其大夫元咺及公子瑕衛侯鄭歸于衛

晉人秦人圍鄭無傳再來魯而介人侵蕭遂侵蕭惡介且

罪魯也冬天王使宰周公來聘公子遂如京

師遂如晉

傳三十年春晉人侵鄭以觀其可攻與否狄

閔去聲晉之有鄭虞也夏狄侵齊

晉侯使醫衍酖雅蔭切衛侯甯俞貨醫使薄其

酖不死公為去聲之請納玉於王與晉侯皆十

穀音角王許之秋乃釋衛侯

衛侯使賂周歆

市專切

冶塵

音僅

曰苟能納我吾

使爾為卿周冶殺元咺及子適

音的

子儀公入

祀先君周冶既服將命周歆先入及門遇疾

而死冶塵辭卿

衛侯罪不及死故晉貨醫醫酖之醫又納甯

俞貨薄其酖得不死雙玉曰珏宇亦作穀

周歆治塵皆衛臣子適子瑕也子儀子適

弟傳言衛成公不直其殺叔武子瑕子儀

及元咺皆不

為神人所佑

九月甲午晉侯秦伯圍鄭以其無禮於晉且貳於楚也晉軍函陵秦軍汜南佚之狐言於

汜音凡

鄭伯曰國危矣若使燭之武見秦君師必退

公從之辭曰臣之壯也猶不如人今老矣無

能為也已公曰吾不能早用子今急而求子

是寡人之過也然鄭子亦有不利焉許之

夜縋

支偽切

而出見秦伯曰秦晉圍鄭鄭既知

匹矣若匹鄭而有益於君敢以煩執事越國

以鄙遠君知其難也焉

音薦

用匹鄭以陪

音培鄰

鄰之厚君之薄也若舍

音捨

鄭以為東道主行

李之往來共

音恭

其乏困君亦無所害且君嘗

為晉君賜矣。許君焦瑕，朝濟而夕設版焉。君之所知也。夫晉何厭平聲之有？既東封鄭，又欲肆其西封。若不闕秦，將焉音焉取之？闕秦以利晉，唯君圖之。秦伯說同悅，與鄭人盟，使杞子、逢孫、楊孫戍之。乃還。子犯請擊之。公曰：不可。微夫音扶，人之力不及此。因人之力而敝之，不仁。失其所與，不知同智。以亂易整，不武。吾其還也。亦去之。

初，鄭公子蘭出奔晉，從於晉侯。伐鄭，請無與。

音圍鄭，許之。使待命于東。鄭石申父音甫侯宣多逆以為犬音泰子，以求成于晉。晉人許之。

音鄭貳於楚，又不與翟泉之盟。故晉與秦圍之。函陵在新鄭北，洧水徑其北。山形如函，故曰函陵。汜南謂東汜，水之南為今中牟地。其水今涸。佚之狐，燭之武，皆鄭大夫。夜縋而出，懸布下城也。越國鄙遠，謂秦得鄭以為鄙，須越晉國是終不能。有徒以陪益晉耳。許君焦瑕，謂晉惠時事。河外五城之二也。朝濟，謂晉惠歸國夕設版，言即其日置守以拒秦。東封鄭，謂厚得于鄭。西封則當求厚于秦矣。秦伯使杞子、逢孫、楊孫三大夫為鄭戍守。夫人謂穆公，晉因秦入，今背惠擊之，不仁。與秦同謀伐鄭，秦反為鄭守，是晉失所與，不智。當整旅而歸，若還相攻，更為亂也。不武。乃舍鄭，亦不擊秦。公子

蘭者鄭穆公不與圍鄭乃子蘭之賢石申父侯宣多皆鄭大夫

冬王使周公閱來聘饗有昌歠音觸又白黑在感切

形鹽辭曰國君文足昭也武可畏也則有備

物之饗以象其德薦五味羞嘉穀鹽虎形以

獻其功吾何以堪之

周公閱王室豕宰三公也饗禮用昌蒲菹嘉穀白熬稻黑熬黍以象其文鹽刻虎形以象其武是備物盛禮也周官掌客三公視上公之禮卿視侯伯大夫視子男閱為天子三公當備禮但自謙耳以獻其功謂借物象以表著其文武之功

東門襄仲將聘于周遂初聘于晉

公命聘周而未行故曰將申命從周至晉故曰遂魯聘晉從此始故曰初

經三十有一年春取濟西田公子遂如晉

夏四月四卜郊不從乃免牲猶三望秋

七月冬杞伯姬來求婦無傳夫人之教不施境中況與鄰國

締姻乎蕩伯姬逆婦非姑道也杞伯姬求婦非母道也

狄圍衛十有

二月衛遷于帝丘

傳三十一年春取濟西田分曹地也使臧文

仲往宿於重館重館人告曰晉新得諸侯

必親其共音恭不速行將無及也從之分曹地

白黑即所謂白熬
黑熬皆熬法膏
熬之六珍之二也

自洮以南東傅音附于濟上聲盡上聲曹地也襄仲如晉拜曹田也

曹田從洮邑以南儘濟西之田晉許復曹衛今曹尚未復魯蓋與宋分之重館今魚臺地

夏四月四卜郊不從乃免牲非禮也猶三望亦非禮也禮不卜常祀而卜其牲曰牛卜曰曰牲牲成而卜郊上怠慢也望郊之細也不郊亦無望可也

魯禮啟蟄而郊郊而後耕當以立春後第一辛此周正四月是春分之月經言免牲

則牲已定卜矣禮常祀不卜惟卜牲與日今牲已定復卜郊之從否故曰非禮三望者公羊云岱河海此齊人之典禮鄭康成云魯三望岱淮海也賈逵服虔杜預皆云分野之星及國內山川

秋晉蒐于清原作五軍以禦狄趙衰為卿

清原今稷山縣北地五軍者晉三軍三行今罷三行作新上軍趙衰為將箕鄭佐之作新下軍胥嬰為將先都佐之與先軫郤溱先且居狐偃欒枝胥臣為十卿也

冬狄圍衛衛遷于帝丘卜曰三百年衛成公

夢康叔曰相去聲奪于享公命祀相甯武子不

可曰鬼神非其族類不歆其祀杞郕何事相

之不享於此久矣非衛之罪也不可以闕去聲

成王周公之命祀請改祀命

帝邱今開州東顛項之虛夏后相亦居之亦為昆吾之虛卜吉日三百年後至衛元君遷野王實四百二十年甯俞言祀鄩當祀相衛不當以相闕命祀因請成公改祀相之命謂收回成命不用也

鄭洩駕惡去聲公子瑕鄭伯亦惡之故公子瑕

出奔楚

瑕文公子鄭伯即文公也洩駕鄭大夫隱五年有洩駕距此九十年疑非一人傳言穆公所以立後年楚伐鄭將納瑕而車覆被禽也

經三十有二年春王正月夏四月己丑鄭

伯捷卒無傳衛人侵狄秋衛人及狄盟

冬十有二月己卯晉侯重耳卒

傳三十二年春楚鬬章請平于晉晉陽處上聲

父音甫報之晉楚始通

夏狄有亂衛人侵狄狄請平焉

秋衛人及狄盟

冬晉文公卒庚辰將殯于曲沃出絳柩有聲如牛卜偃使大夫拜曰君命大事將有西師

此謂若出師時示以所為之
意則鄭亦有詳若傳先
必已紅之義應流世不明
喪軍士則遂於鄭若
不知所往必致怨叛

過音軼我擊之必大捷焉杞子自鄭使告
于秦曰鄭人使我掌其北門之管若潛師以
來國可得也穆公訪諸蹇紀輦切叔蹇叔曰勞
師以襲遠非所聞也師勞力竭遠主備之無
乃不可乎師知所為鄭必知之勤而無所必
有悖心且行千里其誰不知公辭焉召孟明
西乞白乙使出師於東門之外蹇叔哭之曰
孟子吾見師之出而不見其入也公使謂之
曰爾何知中壽爾墓之木拱矣蹇叔之子與

音預師哭而送之曰晉人禦師必於殽同嶠殽有
二陵焉其南陵夏后臯之墓也其北陵文王
之所辟同避風雨也必死是閒余收爾骨焉秦

師遂東

晉時都絳而殯于曲沃以曲沃為宗邑也
殯者橫棺也古禮殯于西序謂橫在堂上
西牆下晉禮蓋在曲沃舊宮柩鳴于道事
異驚眾卜偃知有秦兵過境侵軼疆界故
宣君命以鎮眾心杞子秦大夫使戍鄭者
掌北門管謂司北門鑰籥蹇叔秦大夫年
老矣孟明百里奚子名視西乞名術白乙
名丙皆秦大夫穆公信杞子之言欲得鄭
國蹇叔言潛師遠行謀必泄遠主必知備
我師勞而無所得必有悖惑之舉秦伯不

同治八年謹遵

三專賣本卷七 僖公

三

唯知千之凡人中壽七十
歲蓋是周秦以來相傳
如說

武英殿本重刊

聽乃出師中壽者百歲古言上壽百二十
下壽八十也秦伯憤言蹇叔自恃老成實
則未臻中壽若至百年之期其死已久矣
蓋慢辭凌辱之殺在今河南永甯縣其地
二大阜道險曲夏后皋桀祖父墓在南遊
風雨謂兩阜參差相映其下兩所不及在
北南陵亦曰西嶠北陵亦曰東嶠道出二
陵之閒漢建安中魏武改開北山高道北
周時復用南道隋大業中別開嶮冊道
今自永甯界東北入澠池縣界者是也

經三十有三年春王二月秦人入滑 齊侯

使國歸父音甫來聘 夏四月辛巳晉人及姜

戎敗秦師于殽 癸巳葬晉文公 狄侵齊

公伐邾取訾音咨 婁音閭 秋公子遂帥師伐

邾 晉人敗狄于箕 冬十月公如齊十有

二月公至自齊 乙巳公薨于小寢 隕霜

不殺草李梅實無傳周十二月夏十月也霜既隕矣草猶生而木再實反

常也蓋人事之失而咎徵應之也 晉人陳人鄭人伐許

傳三十三年春秦師過周北門左右免胄而

下超乘去聲者三百乘王孫滿尚幼觀之言於

王曰秦師輕去聲而無禮必敗輕則寡謀無禮

則脫入險而脫又不能謀能無敗乎及滑鄭

商人莚高將市於周遇之以乘去聲韋先去聲牛

同治八年謹遵 三傳讀本卷七 僖公

十一犒師曰寡君聞吾子將步師出於敝邑
 敢犒從去聲者不腆敝邑為去聲從者之淹居則
 具一日之積子賜切行則備一夕之衛且使遽
 告于鄭鄭穆公使視客館則束載厲兵秣馬
 矣使皇武子辭焉曰吾子淹久於敝邑唯是
 脯資餼牽竭矣為去聲吾子之將行也鄭之有
 原圃猶秦之有具囿也吾子取其麋鹿以閒
 敝邑若何杞子奔齊逢孫揚孫奔宋孟明
 曰鄭有備矣不可冀也攻之不克圍之不繼

吾其還也滅滑而還

過王城免胄而下禮也超乘則輕而失軍
 禮滑國今偃師縣南亦曰費滑亦曰侯氏
 未至鄭尚五百餘里弦高商人姓名忠而
 多智以牛十二犒秦用四韋先之偽以鄭
 君命犒師示若先知秦謀者因附傳車急
 告于鄭遽傳車也鄭視杞子等則已嚴備
 待秦師鄭因曉之言其久勞于外資用已
 盡今儻欲行則可以此嚴備獵于原圃而
 歸雖在客戍不異獵于秦之具囿在鄭亦
 可閒暇無患資糧也餼牽謂牛羊豕原圃
 在今中牟縣居鄭東非秦三子歸路奔齊
 奔宋滅滑蹇叔所謂勤而無所必生悖心
 也

齊國莊子來聘自郊勞去聲至于贈賄禮成而

加之以敏臧文仲言於公曰國子為政齊猶有禮君其朝焉臣聞之服於有禮社稷之衛也

郊勞謂主國使人勞之入境之始也贈賄謂主國送之則禮成矣言國子使事有禮加以敏審冬公如齊從文仲之言

晉原軫曰秦違蹇叔而以貪勤民天奉我也奉不可失敵不可縱縱敵患生違天不祥必伐秦師欒枝曰未報秦施去聲而伐其師其為死君乎先軫曰秦不哀吾喪而伐吾同姓秦

則無禮何施之為吾聞之一日縱敵數世之患也謀及子孫可謂死君乎遂發命遽興姜戎子墨衰音崔經梁弘御戎萊駒為右夏四月辛巳敗秦師于殽獲百里孟明視西乞術白乙丙以歸遂墨以葬文公晉於是始墨文嬴請三帥曰彼實構吾二君寡君若得而食之不厭平聲君何辱討焉使歸就戮于秦以逞寡君之志若何公許之先軫朝問秦囚公曰夫人請之吾舍之矣先軫怒曰武夫力而拘諸

齊當為慙謂長人如其國臣之見得戮故請免之慙字與力字對

武英殿本重刊

原婦人暫而免諸國墮

計規切

軍實而長

上聲寇

讎亾無日矣不顧而唾

他臥切

公使陽處父追

之及諸河則在舟中矣釋左驂以公命贈孟

明孟明稽首曰君之惠不以累

音雷

臣釁鼓使

歸就戮于秦寡君之以為戮死且不朽若從

君惠而免之三年將拜君賜秦伯素服郊次

鄉

同嚮

師而哭曰孤違蹇叔以辱二三子孤之

罪也不替孟明孤之過也大夫何罪且吾不

以一眚

所景切

掩大德

滑與晉同姬姓原軫志在虜獲以同姓復讎為辭樂枝言死君謂以君薨而遂忘之

命遽興姜戎者傅車發命也姜戎者姜姓之戎居晉南鄙子襄公也文公未葬襄公

即戎故墨其衰經而稱子以墨得勝即墨葬晉乃始用墨也文嬴秦穆公女左驂

者古車製一轅二服兩驂因謂兩旁之馬日驂處父解左驂以公命贈欲因其還拜

執之孟明知之故言三年養息興師至晉藉拜君賜也秦伯言不替孟明替廢也言

命一眚謂一事之過

狄侵齊因晉喪也

公伐邾取訾

音杏音婁

以報升陘之役邾人不

設備秋襄仲復伐邾

孟明為元帥師之所至皆孟明猶云不廢行師也

同治八年謹遵

三傳寶文卷七傳公

三

嘗婁邾邑今濟甯州東升陘役在二十二年

狄伐晉及箕八月戊子晉侯敗狄于箕郤缺獲白狄子先軫曰匹夫逞志於君而無討敢不自討乎免胄入狄師死焉狄人歸其元面如生初曰季使去聲過音戈冀見冀缺糲乃豆切其妻饁于執切之敬相待如賓與之歸言諸文公曰敬德之聚也能敬必有德德以治民君請用之臣聞之出門如賓承事如祭仁之則也公曰其父有罪可乎對曰舜之罪也殛鯀其

舉也與禹管敬仲桓之賊也實相去聲以濟康

誥曰父不慈子不祗兄不友弟不共同恭不相

及也詩曰采芣采菲芳匪切無以下體君取節

焉可也文公以為下軍大夫反自箕襄公以

三命命先且子居切居將中軍以再命命先茅

之縣賞胥臣曰舉郤缺子之功也以一命命

郤缺為卿復與之冀亦未有軍行音杭

狄白狄也箕今太谷縣地先茅之縣其前為先氏食邑冀本郤氏邑今河津縣地先軫子名且居曰季即胥臣也先軫逞志謂不顧而唾狄人歸軫首其面如生言其有

異于人。葑須也。今蔓菁菜。菲芴也。似菑莖。麤葉厚而長。有毛。可為羹。此二菜根。有美時。有惡時。詩言不可以下體。惡時。並棄其菜。喻論人當節取其善。升先且居。以先軫死君事也。賞胥臣。以舉賢也。賞卻缺。以獲白狄子也。卻缺為卿。尚未有軍列。

冬公如齊朝且弔有狄師也反薨于小寢即

安也

小寢夫人寢也公就所安不終于路寢

晉陳鄭伐許討其貳於楚也楚令尹子上侵

陳蔡陳蔡成遂伐鄭將納公子瑕門于桔株

大結切之門瑕覆于周氏之汪外僕髡屯禽

之以獻文夫人斂而葬之鄆城之下

子瑕三十一年奔楚者桔株之門鄭郊門汪池水也地屬周氏髡屯禽殺子瑕文公夫人穆公嫡母鄆城在今密縣

晉陽處父侵蔡楚子上救之與晉師夾泝

雉音而軍陽子患之使謂子上曰吾聞之文不

犯順武不違敵子若欲戰則吾退舍子濟而

陳遲速唯命不然紓我老師費財亦無

益也乃駕以待子上欲涉大孫伯曰不可晉

人無信半涉而薄我悔敗何及不如紓之乃

退舍陽子宣言曰楚師遁矣遂歸楚師亦歸
犬子商臣譖子上曰受晉賂而辟之楚之
恥也罪莫大焉王殺子上

泚水在今葉縣地居蔡西北蓋楚人逆晉
師不使至蔡及楚退師紆晉使晉渡泚而
戰晉遂佯言楚遁而晉師亦歸竟不侵
蔡商臣以子上曾止王立己因譖殺之

葬僖公句緩作主句非禮也凡君薨卒哭而

祔祔而作主特祀於主烝嘗禘於廟

此傳為文元年四月葬僖公至二年二月
始作主為非禮劉炫云以葬僖公後積十
月始作木主是作主太緩也傳多附記之
例如閔公末年言成風事又言邢衛皆非

其年之事杜預言此傳當在明年四月下
非也論當在二年二月下而彼自有文知
此自是附記非錯誤禮既葬卒哭則當祔
主于廟而虞祭當立主用桑為之十三月
而練則作栗主此三年中別于廟之祭所
謂特祀于主在寢立几筵也喪畢則常祭
烝嘗禘皆
于廟矣

欽定春秋左傳讀本卷七

同治八年謹遵

二傳讀本卷七 僖公

欽定春秋左傳讀本卷八

文元年 盡十年

文公

名興，僖公子，母聲姜，諡法慈惠愛民曰文，忠信接禮曰文。

經元年春王正月公即位

無傳世子嗣位終先君之年稱子逾

年雖未葬稱爵蓋緣始終之義一年不二君緣臣民之心不可曠年無君也即位者告廟臨羣臣也隱不即位讓也莊閔僖則繼故也桓即位安忍而自立也文則繼父也繼父即位正也 二月癸亥日有食之無傳 天王使叔

服來會葬 夏四月丁巳葬我君僖公 天

王使毛伯來錫公命 晉侯伐衛 叔孫得

臣如京師 衛人伐晉 秋公孫敖會晉侯

同治八年謹遵

三專賣下卷八 文公

一

于戚 冬十月丁未楚世子商臣弑其君頹

俱倫切

公孫敖如齊

傳元年春王使內史叔服來會葬公孫敖聞

其能相去聲人也見音現其二子焉叔服曰穀也

食音嗣子難音儼也收子穀也豐下必有後於魯

國

公孫敖慶父之子穀文伯也難惠叔也食謂養與祭收謂葬豐下者下頤方

於是閏三月非禮也先王之正時也履端於

始舉正於中歸餘於終履端於始序則不愆

舉正於中民則不惑歸餘於終事則不悖

以節氣中氣推算當於上年置閏乃於是年閏三月當時以氣候驗之知其非是故曰非禮凡正時之法十九年七閏為一章以前閏餘一之數為部首故曰履端於始閏月皆以後月節氣為望而閏前之月中氣在晦閏後之月中氣在朔故閏月斗指兩辰之間其前後月斗各指其辰則民之視聽不惑其置閏之法皆積朔望成月之餘日而積終置閏自然之數頌朔行令天人相應故事不悖

夏四月丁巳葬僖公

此五月葬常禮也閏月不計杜預并閏計之為六月又以僖公卒十二月無乙巳當是十一月十二日至此為七月葬因讀緩作主為葬僖公緩今檢傳云緩作主不言

葬緩則閏月本不計其十二月乙巳日轉寫誤非月轉寫誤也杜言傳皆不虛載經文此傳自與二年二月傳前後相引非虛載經文

王使毛伯衛來錫公命叔孫得臣如周拜

毛伯僖二十四年富辰所言文之昭也名衛為天子卿士錫命杜云賜玉合瑞公羊傳云命服叔孫得臣叔牙子

晉文公之季年諸侯朝晉衛成公不朝使孔

達侵鄭伐絺訾及匡晉襄公既祥使告于諸

侯而伐衛及南陽先且子餘居曰效尤禍也

請君朝王臣從師晉侯朝王于溫先且居胥

臣伐衛五月辛酉朔晉師圍戚六月戊戌取

之獲孫昭子衛人使告于陳陳共同公曰更

平去伐之我辭之衛孔達帥師伐晉君子以

為古古者越國而謀

絺訾匡皆鄭地匡在今洧川縣東南陽謂河北山南溫周地今溫縣戚衛邑在今開

州北晉文公以僖三十二年十二月卒期而小祥則三十三年十二月也此云既小

祥謂今年春告諸侯晉侯朝王于溫王時在溫也先且居言晉以衛不朝為愆尤今

晉不朝王則是效之故朝王孫昭子衛戚邑大夫也陳共公使衛再伐晉示不服而

後陳為之辭謝六月衛執孔達以說晉此謀蓋失之越國而謀古有其事而陳衛之

謀則不通時變

秋晉侯疆戚田故公孫敖會之

敖孟氏也即穆伯

初楚子將以商臣為大去聲子訪諸令尹子上

子上曰君之齒未也而又多愛黜乃亂也楚

國之舉恆在少者且是人也蠶同蜂目而豺聲

忍人也不可立也弗聽既又欲立王子職而

黜犬子商臣商臣聞之而未察告其師潘崇

曰若之何而察之潘崇曰享江芊音弭而勿敬

呼讀如償

也從之江芊怒曰呼報賀切役夫宜君王之欲

殺女同汝而立職也告潘崇曰信矣潘崇曰能

事諸乎曰不能能行乎曰不能能行大事乎

曰能冬十月以宮甲圍成王王請食熊蹯音煩

而死弗聽丁未王縊諡之曰靈不瞑亾丁切曰

成乃瞑穆王立以其為犬子之室與潘崇使

為犬音泰師且掌環如字又音患列之尹

子上令尹鬬勃言楚先世立君俱舉少者王子職商臣庶弟察謂審知之江芊史記云成王妾杜預云成王妹嫁于江者呼怒聲也事諸謂屈廢事職行謂出奔行大事

同治八年謹遵

二專賣本卷八文公

四

為悖逆之隱辭。宮甲。楚犬子宮甲。熊蹯謂熊掌難熟。請食熊蹯。冀待食延緩。或有外救。犬子之室。謂其室內財物。掌環列之。尹謂宮衛之官。列兵環王宮者。皆使掌之。未斂而加惡諛。故目不瞑。傳言商臣忍甚。

穆伯如齊始聘焉禮也凡君即位卿出竝聘

踐脩舊好去聲要平聲結外援去聲好事鄰國以衛

社稷忠信卑讓之道也忠德之正也信德之

固也卑讓德之基也

竝聘謂列聘此專聘齊傳特發其凡耳何休謂三年之喪使卿出聘不得謂禮鄭康成云周禮諸侯邦交歲相問殷相聘世相朝魯行周禮也

殺之役晉人既歸秦帥秦大夫及左右皆言於秦伯曰是敗也孟明之罪也必殺之秦伯曰是孤之罪也周芮良夫之詩曰大風有隧貪人敗類聽言則對誦言如醉匪用其良覆俾我悖是貪故也孤之謂矣孤實貪以禍夫子夫子何罪復使為政

芮良夫周大夫詩刺厲王言大風毀壞眾物使所過成蹊隧貪人如風亦敗其類道聽塗說之言則與為對答聞典誦之言則如醉不聽不用良臣反使人為悖亂秦伯言是由貪故不用蹇叔之言而貪得鄭乃秦伯禍孟明非孟明罪也

經二年春王二月甲子晉侯及秦師戰于彭

衙音牙秦師敗績 丁丑作僖公主 三月乙

巳及晉處父音甫盟 夏六月公孫敖會宋公

陳侯鄭伯晉士穀音解盟于垂隴 自十有二

月不雨至于秋七月無傳不雨溯自去冬之

七月則八月雨矣不雨彙而書之八月丁

卯大事于大音秦廟躋僖公 冬晉人宋人陳

人鄭人伐秦 公子遂如齊納幣

傳二年春秦孟明視帥師伐晉以報殺之役

二月晉侯禦之先且居將中軍趙衰佐之王

官無地御戎狐鞫音菊居為右甲子及秦師戰

于彭衙秦師敗績晉人謂秦拜賜之師戰於

殽也晉梁弘御戎萊駒為右戰之明日晉襄

公縛秦囚使萊駒以戈斬之囚呼去聲萊駒失

戈狼曠音審取戈以斬囚禽之以從公乘去聲遂

以為右箕之役先軫黜之而立續簡伯狼曠

怒其友曰盍死之曠曰吾未獲死所其友曰

吾與女音汝為難去聲曠曰周志有之勇則害上

不登於明堂死而不義非勇也恭同用之謂

勇吾以勇求右無勇而黜亦其所也謂上不

我知黜而宜乃知我矣子姑待之及彭衙既

陳去聲以其屬馳秦師死焉晉師從之大敗秦

師君子謂狼曠於是乎君子詩曰君子如怒

亂庶遄沮又曰王赫斯怒爰整其旅怒不作

亂而以從師可謂君子矣秦伯猶用孟明孟

明增脩國政重施去聲於民趙成子言於諸大

夫曰秦師又至將必辟音避之懼而增德不可

當也詩曰毋念爾祖聿脩厥德孟明念之矣

念德不怠其可敵乎

彭衙秦地今白水縣東北晉號此戰為秦

拜賜之師就孟明拜賜之言嗤之也殺戰

在僖三十三年四月箕役在其年八月續

簡伯即狐鞠居勇則害上不登於明堂逸

周書大匡解文明堂者左氏舊說及賈逵

盧植服虔蔡邕杜預皆以祖廟與明堂為

一言賜爵祿于廟故害上者不得登不供

用即非勇是宜黜矣以其屬者曠于箕役

失戎右此戰與于戎行自有屬兵君子引

詩言古大人君子皆以怒從師狼曠為合

其道趙成子憂秦師成子即中軍佐趙衰

也引詩言念德者不可敵詩毋念念也

丁丑作僖公主書不時也

所謂緩作主非禮也

晉人以公不朝來討公如晉夏四月己巳晉

人使陽處父音甫盟公以恥之書曰及晉處父

盟以厭音葉之也適晉不書諱之也

杜預云厭損也蓋貶損就微稱經書三月乙巳傳稱四月己巳公當以三月適晉

公未至六月穆伯會諸侯及晉司空士穀音斛

盟于垂隴晉討衛故也書士穀堪其事也陳

侯為去聲衛請成于晉執孔達以說

穀士為後蓋世司空之官垂隴鄭地在今滎澤東北陳為衛謀不臧徒禍孔達

秋八月丁卯大事于大廟躋音泰子兮切僖公逆

祀也於是夏父音甫弗忌為宗伯尊僖公且明

見曰吾見新鬼大故鬼小先大後小順也躋

聖賢明也明順禮也君子以為失禮禮無不

順祀國之大事也而逆之可謂禮乎子雖齊

聖不先去聲父食久矣故禹不先鯀湯不先

契息列切文武不先不窋知律切宋祖帝乙鄭祖

厲王猶上祖也是以魯頌曰春秋匪解同享

祀不忒皇皇后帝皇祖后稷君子曰禮謂其

廢猶置也置謂以善行
廢置謂之不仁以廢謂置
猶以亂亂治以去亂也

后稷親而先如帝也詩曰問我諸姑遂及伯
姊君子曰禮謂其姊親而先如姑也仲尼曰
臧文仲其不仁者三不知同者三下展禽廢
六關妾織蒲三不仁也作虛器縱逆祀祀爰
居三不知也

大事者昭十五年有事武宮傳言禘于武
宮則此禘祭也禘為諦視昭穆諸廟已毀
未毀之主皆于太祖廟中以昭穆為次序
其兄弟相代者昭穆同班僖公為閔公庶
兄僖繼閔立嘗為閔公之臣當位閔下今
使僖公升躋閔公之上而宗伯復父弗忌
明言所見云新鬼兄大故鬼弟小蓋文公
為僖公子欲尊僖公藉兄弟之年沒君臣

之義書冊曰躋僖公而國人自名此禘為
逆祀且三年之喪未畢亦未應行吉禘之
禮其失禮與閔二年同而逆祀則此所獨
也君子以君臣大義斷其不順鯀契不啻
均不及王而以祖居上周祖后稷必先稱上
聖而以祖居上周祖后稷必先稱上帝女
子之誼俱愛其姊而必先稱諸姑僖公親
事閔公身為之臣豈得位據閔上時臧文
仲為魯政縱逆祀不止孔子亦譏之展禽
柳下惠也文仲知其賢而抑使在下位魯
有六關以禁暴文仲廢之其妾織蒲販席
謀小利是三者仲之不仁王肅云廢置也
置關稅行者杜預云關以禁絕末遊文仲
廢之二說皆非古人無禁絕商賈之意不
得以廢關為縱商賈誣以不仁王肅謂置
商稅為不仁亦非經義所有蔡者國君守
龜文仲有之而不自知無其位是虛器也
惑于兄弟之文而不知逆君臣之禮是縱

之也。海鳥曰爰居。止于魯東門之外三日。文仲不知海有大風。以爰居為神。命國人祀之。是三者。仲之不智。

冬晉先且居宋公子成

音城一作戌音恤

陳轅選鄭

公子歸生伐秦取汪及彭衙而還以報彭衙

之役卿不書為

去聲

穆公故尊秦也謂之崇德

轅氏選名。濤塗之後。汪秦地。與彭衙俱在。今白水縣。四人皆卿而不書者。傳云尊秦。襄公八年會于邢邱。齊宋衛邾俱稱人。傳云尊晉侯。左氏聞于舊史官。有此例。

襄仲如齊納幣禮也凡君即位好

去聲

舅甥脩

昏姻娶元妃以奉粢盛音成孝也孝禮之始也

僖公喪至此年十一月為二十五月冬末十二月納幣故傳云禮也公羊謂三年之內圖婚春秋譏之與左氏異說士昏禮六納采問名納吉納徵請期親迎諸侯以上見經傳者聘逆使卿納幣即納徵

經三年春王正月叔孫得臣會晉人宋人陳

人衛人鄭人伐沈沈潰夏五月王子虎卒

秦人伐晉秋楚人圍江雨去聲螽于宋

冬公如晉十有二月己巳公及晉侯盟

晉陽處父音甫帥師伐楚以救江

傳三年春莊叔會諸侯之師伐沈以其服於

楚也。沈潰。凡民逃其上。曰潰。在上曰逃。

沈國在今汝陽縣東南。莊叔得臣也。潰者若積水散潰。逃則弃眾弃地。自圖竄匿。

衛侯如陳。拜晉成也。

衛雖執孔達見辱。而二年之成。陳實為請之。

夏四月乙亥。王叔文公卒。來赴。弔如同盟禮也。

王子虎於周天王為叔。諡曰文。其後為王叔氏。

秦伯伐晉。濟河焚舟。取王官及郊。晉人不出。遂自茅津濟。封殽尸而還。遂霸西戎。用孟明

也。君子是以知秦穆公之為君也。舉人之周

也。與人之壹也。孟明之臣也。其不解也。能

懼思也。子桑之忠也。其知人也。能舉善也。詩

曰。于以采蘋。于沼于沚。于以用之。公侯之事。

秦穆有焉。夙夜匪解。以事一人。孟明有焉。

詒厥孫謀。以燕翼子。子桑有焉。

王官及郊皆晉地。在今臨晉縣南。茅津在今平陸南。濟河焚舟。志在敗則死。無舟復歸也。秦伐晉。自今邵陽東渡河。至蒲州。臨晉。取其邑。又自蒲州平陸南。取舟南渡河。至殽。封埋敗殽之尸。蓋取其土築之。以表死事忠魂也。懼思。謂孟明懼而增脩德。子

桑公孫枝也舉孟明者采蘩供豆菹喻穆公不遺善舉善則能遺謀燕安翼成子孫

秋雨

去聲

螽于宋隊

同聲

而死亡也

宋人幸其墜而死故告諸侯

楚師圍江晉先僕伐楚以救江

先僕伐楚在陽處父前

冬晉以江故告于周王叔桓公晉陽處父

音甫

伐楚以救江門于方城遇息公子朱而還

江國今正陽方城在今裕州為江之西北息今之息縣在江之東息公楚縣尹蓋解江圍而救方城故兩師俱還桓公文公虎之子

晉人懼其無禮於公也請改盟公如晉及晉侯盟晉侯饗公賦菁菁者莪莊叔以公降拜曰小國受命於大國敢不慎儀君貺之以大禮何樂如之抑小國之樂大國之惠也晉侯降辭登成拜公賦嘉樂

晉人請改二年處父之盟莊叔得臣從公如晉菁菁者莪取既見君子樂且有儀嘉樂取顯顯令德宜民宜人受祿于天

經四年春公至自晉

無傳逾年始至見去國逾時之久也

夏

逆婦姜于齊

狄侵齊

無傳許翰曰狄自箕之敗至是復侵齊閔

晉有秦楚之難也

秋楚人滅江

晉侯伐秦

衛

侯使甯俞來聘

冬十有一月壬寅夫人風

氏薨

傳四年春晉人歸孔達于衛以為衛之良也

故免之

夏衛侯如晉拜曹伯如晉會正

會受貢賦之正

逆婦姜于齊卿不行非禮也君子是以知出姜之不允於魯也曰貴聘而賤逆之君而卑

允曰盾不盾猶言無從謂無允嗣也

之立而廢之弃信而壞其主在國必亂在家必亾不允宜哉詩曰畏天之威于時保之敬主之謂也

禮夫人當卿逆立而廢之謂既以為小君而廢其常禮是自壞其內主所以不能允信有成引詩言畏天威於是保福祿以明敬主之義後出姜以文公薨子見殺大歸于齊

秋晉侯伐秦圍邠音新城以報王官之役

邠新城即梁新里秦取之在今澄城縣東北

楚人滅江秦伯為去聲之降服出次不舉過數

大夫諫公曰同盟滅雖不能救敢不矜乎吾

自懼也君子曰詩云惟彼二國其政不獲惟

此四國爰究爰度音鐸其秦穆之謂矣

降服素服也出次避正寢也不舉去盛饌止侑樂也過數過常禮日數也詩言無道之國失政有道之國見而自懼秦穆能合此義究度皆謀也

衛甯武子來聘公與之宴為去聲賦湛直減切露

及彤弓不辭又不荅賦使行人私焉對曰臣

以為肄業及之也昔諸侯朝正於王王宴樂

之於是乎賦湛露則天子當陽諸侯用命也

諸侯敵王所愾苦愛切而獻其功王於是乎賜

之彤弓一彤矢百茲音盧弓矢千以覺報宴今

陪臣來繼舊好去聲君辱貺之其敢干大禮以

自取戾

諸侯宴賓客賦有常禮當賦鹿鳴四牡皇也肄業及之謂工人人肄習詩業適值此章湛露言露見陽而晞猶諸侯稟天子命而行天子當陽則諸侯當露故諸侯朝正于王賦之朝正者朝而受政教也彤弓言諸侯受彤弓矢茲弓矢之賜言彤弓者舉其所重必諸侯能敵王所愾怒而有成功始得斯賜覺明也謂以明報功宴樂賦詩非空言甯武子于王為陪臣來至魯國無此

二事故云不敢干大禮

冬成風薨

成風文公祖母

經五年春王正月王使榮叔歸含同哈戶且

賄芳鳳切三月辛亥葬我小君成風無傳葬稱小君

又私諡焉仲子別宮猶疑之也不疑而全乎小君之禮自成風始也王使召

音邵伯來會葬夏公孫敖如晉無傳王游使人加禮於魯

魯不往拜而亟遣使如晉比事以觀失益著矣秦人入都音若秋

楚人滅六冬十月甲申許男業卒無傳

傳五年春王使榮叔來含戶暗切且賄芳鳳切召

音邵昭公來會葬禮也

成風莊公之妾僖公之母也哈口中玉賄車馬也言禮者母以子貴

初都音若叛楚即秦又貳於楚夏秦人入都

都從秦由商密之役在僖二十五年

六人叛楚即東夷秋楚成大心仲歸帥師滅

六冬楚公子燮滅蓼同鄆音了臧文仲聞六與蓼

滅曰臯陶音遙庭堅不祀忽諸德之不建民之

無援哀哉

同治八年謹遵

三專賣本卷八文公

三

六蓼二國。阜陶後。六在今六安州。蓼在今霍邱縣。文仲言二國不能建德。諸侯又不能援之。庭堅即阜陶。系出高陽也。

晉陽處父音甫聘于衛。反過甯。甯嬴從之。及溫而還。其妻問之。嬴曰。以剛。商書曰。沈漸似廉切剛克。高明柔克。夫子壹之。其不沒乎。天為剛德。猶不干時。況在人乎。且華而不實。怨之所聚也。犯而聚怨。不可以定身。余懼不獲其利。而離其難。是以去之。晉趙成子欒貞子。霍伯曰。季皆卒。

甯。今脩武縣地。甯嬴者。賈逵孔晁皆云。掌逆旅大夫。處父為人華而不實。事皆以剛。甯嬴初以為可從。繼乃悟其非也。商書謂箕子之言。沈漸者。滯溺。當以剛勝之。高明者。亢爽。當以柔勝之。所以相濟。如天時寒暑也。處父壹之。必不能定身。時趙衰欒枝先且居。胥臣皆卒。軍帥闕四人。

經六年春葬許僖公無傳夏季孫行父音甫如

陳秋季孫行父如晉八月乙亥晉侯驩音歡

卒冬十月公子遂如晉葬晉襄公晉殺

其大夫陽處父晉狐射音亦姑出奔狄閏月

不告音鵠月猶朝于廟

傳六年春晉蒐于夷舍同二軍使狐射姑

將中軍趙盾佐之陽處父音甫至自溫改蒐于

董易音亦中軍陽子成季之屬也故黨於趙氏

且謂趙盾能曰使能國之利也是以上之宣

子於是乎始為國政制事典正法罪辟音璧獄

刑董逋逃由質要治舊洿音烏本秩禮續常職

出滯淹既成以授大音秦傅陽子與大音秦師賈

佗使行諸晉國以為常法

以軍帥多卒故蒐以謀帥舍二軍謂僖三
十一年晉作五軍今復三軍舊制也夷晉

地董今聞喜東北地狐射姑狐偃子趙盾

趙衰子也陽處父本趙衰之屬大夫故黨

于趙氏趙盾諡曰宣子制事典典常也正

法罪辟刑獄謂以法理正刑獄董逋逃董

督捕也由質要用券契也治舊洿言清舊

政之不潔者本秩禮謂貴賤不失其職續

常職脩廢官也出滯淹言拔才能大傅大

師蓋晉官位尊而不為政晉政由中軍將

也賈佗從文公出逃者晉語言文公長事

賈佗又言佗公族多識而恭敬至此年老

矣

臧文仲以陳衛之睦也欲求好去聲於陳夏季

文子聘于陳且娶焉

季文子行父也臣非君命
不越竟故因聘而自為娶

秦伯任

音壬

好卒以子車氏之三子奄息仲行

音杭鍼虎為殉

似俊切

皆秦之良也國人哀之為

去聲

之賦黃鳥君子曰秦穆之不為盟主也宜

哉死而弃民先王違世猶詒之法而況奪之

善人乎詩曰人之云亾邦國殄瘁無善人之

謂若之何奪之古之王者知命之不長是以

竝建聖哲樹之風聲分

去聲

之采物著之話言

為之律度陳之藝極引之表儀予

上聲

之法制

告之訓典教之防利委之常秩道之以禮則

使毋失其土宜眾隸賴之而後即命聖王同
之今縱無法以遺去聲後嗣而又收其良以死
難以在上矣君子是以知秦之不復東征也

秦穆公名任好子車大夫氏也服虔云殺

人以葬旋環其左右曰殉良謂有才智藝

能黃鳥詩在秦風言欲贖之不能民失望

也君子言秦穆不以善人貽子孫使邦國

瘁病故不能東征以與中原爭長樹之風

聲者因風俗立聲教分之采物者衣服旌

同治八年謹遵

三原賈人卷八文公

七

秋季文子將聘於晉使求遭喪之禮以行其人曰將焉音薦用之文子曰備豫不虞古之善教也求而無之實難過求何害

時聞晉侯有疾所謂文子三思而後行

八月乙亥晉襄公卒靈公少晉人以難去聲故

欲立長上聲君趙孟曰立公子雍好去聲善而長

先君愛之且近於秦秦舊好也置善則固事

長則順立愛則孝結舊則安為難故故欲立

長君有此四德者難必抒直呂切矣賈季曰不

如立公子樂辰嬴嬖於二君立其子民必安

之趙孟曰辰嬴賤班在九人其子何震之有

且為二嬖淫也為先君子不能求大而出在

小國僻同僻也母淫子僻無威陳小而遠無援

將何安焉杜祁以君故讓偪姑而上之以狄

故讓季隗而已次之故班在四先君是以愛

其子而仕諸秦為亞卿焉秦大而近足以為

援母義子愛足以威民立之不亦可乎使先

蔑士會如秦逆公子雍賈季亦使召公子樂

于陳趙孟使殺諸郟

婢支切

靈公襄公夫人穆嬴子公子雍在秦公子樂在陳皆襄公庶弟文公子也趙孟即趙盾賈季狐射姑也辰嬴即懷嬴公子樂母杜祁公子雍母偁姑襄公母也先蔑士伯也士會隨季范武子也郟晉地今濟源縣西百里所謂邵郟之阨在絳東南

賈季怨陽子之易

音亦

其班也而知其無援於

晉也九月賈季使續鞫居殺陽處父

音甫

書曰

晉殺其大夫侵官也

賈季以今年董蒐易班怨陽子續鞫居即簡伯狐氏族也侵官謂命帥君命也以己見易之所以致殺

冬十月襄仲如晉葬襄公

十一月丙寅晉殺續簡伯賈季奔狄宣子使

夷

羊朱切

駢

蒲賢切

音奴

送其帑夷之蒐賈季戮夷

駢夷駢之人欲盡殺賈氏以報焉夷駢曰不

可吾聞前志有之曰敵惠敵怨不在後嗣忠

之道也夫子禮於賈季我以其寵報私怨無

乃不可乎介人之寵非勇也損怨益仇非知

也同智以私害公非忠也釋此三者何以事夫

子盡具其帑與其器用財賄親帥扞之

介猶保也持也

送致諸竟

同境

晉殺簡伯則賈季罪著故出奔趙盾使與駢送其帑與駢不報私怨駢所以賢

閏月不告朔非禮也閏以正時時以作事

事以厚生生民之道於是乎在矣不告閏朔

奔時政也何以爲民

杜預釋例云人君設官分職皆委心焉細事不得不得問近習聖人知其不可故簡其節敬其事因月朔朝遷坐正位惡密聽之亂公也故顯眾以斷之是謂告月傳言告朔者明告月必以朔也每月之朔必朝于廟因聽政事敬禮成告以特羊然則朝廟朝正告月告朔視朔聽朔本是一事今特朝廟而不告月典禮不全傳云何以

爲民言何以治民

經七年春公伐邾三月甲戌取須句

其俱切

遂城郟

音吾無傳魯嘗取須句矣復書取者蓋又入於邾也僖公取須句反其君

今邾之公子叛邾在魯文公取須句使邾之公子守焉絕大睥之祀貪土地而主逋逃非義甚矣郟魯邑遂以伐邾之師城之民勞弗恤矣且東作方興而奪農時何以爲國

夏四月宋公王臣卒宋人殺其大夫戊

子晉人及秦人戰于令狐晉先蔑奔秦

狄侵我西鄙秋八月公會諸侯晉大夫

盟于扈

音戶

冬徐伐莒公孫敖如莒蒞盟

同治八年謹遵

左傳卷之八

文公

三

傳七年春公伐邾闕去聲晉難也去聲三月甲戌

取須句其俱切寘文公子焉非禮也

須句本魯附庸僖二十二年伐邾取須句而反其君後又為邾所滅故魯因晉有難而伐邾取之時邾文公子叛在魯魯置之於須句絕太昊之祀而封叛臣非禮可知魯因是役城郟今泗水縣南地

夏四月宋成公卒於是公子成為右師公孫

友為左師樂豫為司馬鱗矐音灌為司徒公子

蕩為司城華去聲御事為司寇昭公將去上聲下同

羣公子樂豫曰不可公族公室之枝葉也若

去之則本根無所庇廕同矣葛藟音壘猶能庇

其本根故君子以為比況國君乎此諺所謂

庇焉而縱尋斧焉者也必不可君其圖之親

之以德皆股肱也誰敢攜貳若之何去之不

聽穆襄之族率國人以攻公殺公孫固公孫

鄭于公宮六卿和公室樂豫舍同司馬以讓

公子叩昭公即位而葬書曰宋人殺其大夫

不稱名眾也且言非其罪也

樂豫華御事戴族也公子成公孫固公孫鄭莊族也公孫友鱗矐公子蕩桓族也昭

公以成公新薨。公族多逼，欲去之。樂豫以爲不可，尋長八尺，所以量木。斧，所以伐木。縱放也。時穆襄二族，恐公殺之，乃先攻公而殺公孫固，與公孫鄭。公意未平，故樂豫自以戴族太盛，讓司馬與公弟，以平之。所謂和公室也。傳言不稱名，眾也。謂穆襄之族人眾，難得主名。經不書固、鄭二人，蓋文闕。

秦康公送公子雍于晉曰：文公之入也，無衛

故有呂卻之難。去聲乃多與之徒衛。穆嬴日抱

犬。音秦子以啼于朝曰：先君何罪，其嗣亦何罪。

舍。音捨適。音同嗣不立，而外求君將焉。音薦寘。音同此

出朝，則抱以適。音如趙氏頓首於宣子曰：先君

奉此子也，而屬。音燭諸子曰：此子也，才，吾受子

之賜，不才，吾唯子之怨。今君雖終言猶在耳，

而奔之，若何？宣子與諸大夫皆患穆嬴，且畏

偪，乃背先蔑而立靈公，以禦秦師，箕鄭居守

趙盾將中軍，先克佐之。荀林父。音甫佐上軍，先

蔑將下軍，先都佐之。步招。音韶御戎，戎津爲右，

及董。音謹陰宣子曰：我若受秦，秦則賓也，不受

寇也，既不受矣，而復緩師，秦將生心，先。音去人

有奪人之心，軍之善謀也。逐寇如追逃，軍之

善政也。訓卒利兵，秣馬蓐音辱食，潛師夜起，戊

子，敗秦師于令平聲狐。至于刳音枯首，己丑先蔑

奔秦，士會從之，先蔑之使也。荀林父止之曰：

夫人犬子猶在，而外求君，此必不行。子以疾

辭，若何？不然，將及。攝卿以往，可也。何必子？同

官為寮僚同，吾嘗同寮，敢不盡心乎？弗聽。為去聲

賦板之三章，又弗聽。及亾，荀伯盡送其帑，及

其器用財賄於秦，曰：為去聲同寮故也。士會在

秦三年，不見士伯。其人曰：能亾人於國，不能

見於此焉音焉，用之。士季曰：吾與之同罪，非義

之也。將何見焉？及歸，遂不見。

莖陰晉地，當在今猗氏東。令狐在今猗氏西十五里，皆在河東。刳首，河西秦地。今郃

陽東南也。時秦送公子雍，當已渡河入晉界。晉惡賈季殺公子樂，又背先蔑拒公子

雍，乃立犬子靈公，與秦師戰，箕鄭以上軍將居守。五卿敗秦師，又追之過河也。蓐食，

謂厚食。一日早食於寢，蓐闕板之三章，言我雖異事，及爾同僚，謂同僚不得不盡言。

荀伯，即林父也。士伯，即先蔑也。士會從蔑同逆雍，故同出奔。在秦不見士伯，蓋惡其

不義，能亾人於國，謂能與之俱亾也。

狄侵我西鄙，公使告于晉。趙宣子使因賈季

問酆音豐舒且讓之酆舒問於賈季曰趙衰趙盾孰賢對曰趙衰冬日之日也趙盾夏日之日也

酆舒狄相問勞問也冬日言可愛夏日言可畏

秋八月齊侯宋公衛侯陳侯鄭伯許男曹伯會晉趙盾盟于扈晉侯立故也公後至故不書所會凡會諸侯不書所會後也後至不書其國辟同避不敏也

扈在今原武縣西北後至者公及盟而不及會故經不具書其國名避不敏者蓋謂

此不周至之事避之不復深言

穆伯娶于莒曰戴己生文伯其姊聲己生惠叔戴己卒又聘于莒莒人以聲己辭則為去聲

襄仲聘焉冬徐伐莒莒人來請盟穆伯如莒蒞盟且為去聲仲逆及鄆陵登城見之美自為

去聲娶之仲請攻之公將許之叔仲惠伯諫曰

臣聞之兵作於內為亂於外為寇寇猶及人亂自及也今臣作亂而君不禁以啟寇讎若之何公止之惠伯成之使仲舍同捨之公孫敖

反之復為兄弟如初從之

莒女己姓鄆陵莒邑在今沂水縣東南穆伯慶父子敖叔仲惠伯叔牙孫也穆伯子文伯穀及惠叔難穆伯老而更娶莒人不自乃為襄仲娶襄仲莊公子仲遂也穆伯既淫亂惠伯為平其事使襄仲不要穆伯亦還莒女也言孟孫叔孫二族相為比謀

晉卻缺言於趙宣子曰日衛不睦故取其地今已睦矣可以歸之叛而不討何以示威服而不柔何以示懷非威非懷何以示德無德何以主盟子為正卿以主諸侯而不務德將若之何夏書曰戒之用休董之用威勸之以

九歌勿使壞九功之德皆可歌也謂之九歌六府三事謂之九功水火金木土穀謂之六府正德利用厚生謂之三事義而行之謂之德禮無禮不樂所由叛也若吾子之德莫可歌也其誰來之盍使睦者歌吾子乎宣子說同之

元年晉疆戚田今衛服晉故卻缺為衛言之夏書言戒之以勿恃休美董督之以威刑而勸之以九歌使歌詠久長勿至于壞九歌者謂九功之德皆可歌也水火金木土穀六府者蓋夏之制治以三事統為九功之德以義行此德則日德禮能循此禮

則民樂而歌之不然則叛郤缺言宣子當務以德使人歌而甬來也

經八年春王正月 夏四月 秋八月戊申

天王崩 冬十月壬午公子遂會晉趙盾盟

于衡雍去聲 乙酉公子遂會雒戎盟于暴

公孫敖如京師不至而復丙戌奔莒 螽無傳

宋人殺其大夫司馬宋司城來奔

傳八年春晉侯使解音蟹揚歸匡戚之田于衛

且復致公壻池之封自申至于虎牢之竟

解揚晉大夫公壻池襄公壻名池也匡今洧川地本衛邑鄭取之孔達伐之不能克

當從服說

戚今開州地晉取衛邑皆見元年今皆還之自申至虎牢境皆今汜水地晉取于鄭以于池者今亦子衛服虔云申至虎牢境還鄭依服說則傳文有脫闕

夏秦人伐晉取武城以報令狐之役

武城晉邑漢左馮翊有武城縣在今華州東北令狐役在七年

秋襄王崩

晉人以扈之盟來討冬襄仲會晉趙孟盟于

衡雍去聲報扈之盟也遂會伊雒之戎書曰公

子遂珍之也

扈盟公後會故來討衡雍今原武地會戎于暴杜云鄭地十五年楚侵鄭及暴隧則

討謂討論如即壽本舊盟之意

珍猶重也

為鄭地無疑詩小雅有暴公周圻內國也或後屬鄭經再書公子遂故傳曰珍之

穆伯如周弔喪不至以幣奔莒從己氏焉

宋襄夫人襄王之姊也昭公不禮焉夫人因

戴氏之族以殺襄公之孫孔叔公孫鍾離及

大司馬公子卬皆昭公之黨也司馬握節以

死故書以官司城蕩意諸來奔效節於府人

而出公以其官逆之皆復之亦書以官皆貴

之也

襄夫人昭公嫡祖母也宋戴族華樂皇三氏最盛故夫人因之春秋書公子卬蕩意

諸事以官不以名故傳特釋之

夷之蒐晉侯將登箕鄭父

音甫

先都而使士穀

梁益耳將中軍先克曰狐趙之勳不可廢也

從之先克奪蒯得田于葦陰故箕鄭父先都

士穀梁益耳蒯得作亂

夷蒐在六年葦陰役在七年

經九年春毛伯來求金

夫人姜氏如齊

無傳

夫人出姜也前書逆婦姜譏公失禮也此書夫人正其名也如齊歸甯也常事何以書夫人生惡及視而公嬖敬嬴生倭奪嫡之機兆矣其歸甯蓋有故焉春秋欲以禮已亂特於

此正其名

二月叔孫得臣如京師辛丑葬襄王

晉人殺其大夫先都 三月夫人姜氏至

自齊

無傳夫人與君一體出入必告廟其行非禮以不至見罪歸甯而至正也然亦

在常事不書之例出姜書至蓋以明小君之重責公嬖敬嬴以階亂也呂大圭曰錄叔姬

之歸為歸于鄆起也錄出姜之至為歸于齊起也聖人之微意也

晉人殺

其大夫士穀

音斛

及箕鄭父

音甫

楚人伐鄭

公子遂會晉人宋人衛人許人救鄭 夏狄

侵齊

無傳四侵齊矣

秋八月曹伯襄卒

無傳

九月

癸酉地震

無傳地靜常也動則為異蓋陰逆而不順之象且害民也

冬

楚子使椒來聘

秦人來歸僖公成風之祿

同稅音遂

葬曹共

同恭

公

無傳

傳九年春王正月己酉使賊殺先克乙丑晉

人殺先都梁益耳

箕鄭等所使也

毛伯衛來求金非禮也不書王命未葬也

求金以供葬事天子下求諸侯不歸常貢皆非禮

二月莊叔如周葬襄王

三月甲戌晉人殺箕鄭父音甫士穀蒯得

范山言於楚子曰晉君少不在諸侯北方可圖也楚子師于狼淵以伐鄭囚公子堅公子

龍音范及樂耳鄭及楚平

范山楚大夫不在諸侯謂志不及諸屬國狼淵許州地

公子遂會晉趙盾宋華去聲耦衛孔達許大夫

救鄭不及楚師卿不書緩也以懲不恪

不恪言將事不敬敏救人不及事其泄泄可知

夏楚侵陳克壺丘以其服於晉也

壺邱今項城縣北

秋楚公子朱自東夷伐陳陳人敗之獲公子

蔑扶廢切陳懼乃及楚平

公子朱楚息公也楚再伐陳為陳所敗陳以楚怒故請及楚平小大邦交所謂以小事大畏天者也

冬楚子越椒來聘執幣傲叔仲惠伯曰是必

滅若敖氏之宗傲其先君神弗福也

子越椒令尹子文之從子若敖氏也傲必致身禍故言當滅宗傲其先君者謂聘幣由告廟而來

秦人來歸僖公成風之禴音遂禮也諸侯相弔

賀也雖不當事苟有禮焉書也以無忘舊好

去聲

僖公薨已十年成風薨已六年致禭已不當事禭者說文云贈終衣被日稅也秦贈死不及尸不言非禮者以不同方岳不限五月至之期先言僖公者僖公薨在前

經十年春王三月辛卯臧孫辰卒無傳夏秦

伐晉楚殺其大夫宜申自正月不雨至

于秋七月無傳及蘇子盟于女音汝栗冬狄

侵宋無傳狄侵宋闕宋難也凡外患必內有以召之故君子治內楚子

蔡侯次于厥貉音陌

傳十年春晉人伐秦取少梁夏秦伯伐晉取

北徵音懲

少梁今韓城南地北徵今澄城縣西南

初楚范巫音聿鬻似謂成王與子玉子西曰三

君皆將強上聲死城濮之役王思之故使止子

玉曰母死不及止子西子西縊而縣同懸絕王

使去聲適至遂止之使為商公音鉛泂音漢沂音江

將入郢王在渚宮下見之懼而辭曰臣免於

死又有讒言謂臣將逃臣歸死於司敗也王

使爲工尹。又與子家謀弒穆王。穆王聞之。五月。殺鬬宜申及仲歸。

子玉得臣。子西。宜申也。巫能見鬼。范邑巫名。喬似者。蓋有所見。故成王不欲二人。強死。商。今商州。陝西山南地。由今鄖陽下。漢至夏口。沂江上。至荊州。入郢。而道遇王。在渚宮。渚宮。卽今荊州。治江陵縣。在楚郢都南十里。水經注謂之船官地也。仲歸。字子家。

秋七月。及蘇子盟于女音汝栗頃音傾。王立故也。

女。栗之盟。周室衰。頃王初立。欲親諸侯。魯不知何人與盟。蘇子。則王卿士也。

陳侯鄭伯會楚子于息。冬。遂及蔡侯次于厥

貉音陌。將以伐宋。宋華御事曰。楚欲弱我也。先

爲之弱乎。何必使誘我。我實不能。民何罪。乃

逆楚子。勞去聲。且聽命。遂道同導。以田孟諸。宋公

爲右孟。鄭伯爲左孟。期思公復遂爲右司馬。

子朱及文之。無畏爲左司馬。命夙駕載燧。宋

公違命。無畏扶音窰。其僕以徇。或謂子舟曰。國

君不可戮也。子舟曰。當官而行。何彊之有。詩

曰。剛亦不吐。柔亦不茹。毋縱詭隨。以謹罔極。

是亦非辟同避。彊也。敢愛死以亂官乎。厥貉之

會麋

音子逃歸

息今息縣厥貉在今項城孟諸宋澤也期
 思楚邑在今固始麋國今興安之白河縣
 在鄖陽西界右孟左孟其時圍獵陳名子
 朱息公也文之無畏子舟也子舟為左司
 馬而扶右孟之僕曰當官者杜預云獵張
 兩甄左司馬二人各掌一甄右司馬一人
 當中央也子舟引詩言不吐剛不吞柔又
 引詩言嚴詭隨小罪以防無良大惡自明
 不敢辟疆以亂官時楚人方故挑
 怒諸侯以為兵端麋子恥之逃歸

欽定春秋左傳讀本卷八



